

ერთი მხრივ, [-] (შემდგომში „კრედიტორი“ ან „ბანკი“), წარმოდგენილი [-] სახით, მოქმედი [-], და მეორე მხრივ, [-], ორივე მხარე ერთად კი, „მხარეებად“ წოდებულნი, ვდებთ წინამდებარე ხელშეკრულებას შემდეგზე:

სესხის გაცემა ხდება გენერალური ხელშეკრულების N (გაფორმების თარიღი: [-]; ლიმიტის ოდენობა: [-]) ფარგლებში, რომელიც მოქმედია შემდეგი ვადით [-]. გთხოვთ, გაითვალისწინოთ, რომ ამ პერიოდის განმავლობაში ზემოაღნიშნული ლიმიტის ფარგლებში მსახიბელზე დამატებით კრედიტის გაცემის შემთხვევაში, კრედიტის გაცემაზე თქვენი დამატებითი თანხმობა არ იქნება საჭირო და თქვენი თავდებობა მოცულობა გავრცელდება გენერალური ხელშეკრულების უზრუნველყოფის ფარგლებში გაცემულ ყველა კრედიტზე.

თქვენ ხელმოწერით ადასტურებთ, რომ თქვენთვის ცნობილია, რომ თქვენი პასუხისმგებლობის მაქსიმალური თანხის ფარგლებში, რომელიც ამ ხელშეკრულების მიხედვით შეადგენს [-]-ს, მსესხებლის მიერ კრედიტის გადაუხდელობის და მისი უშედეგოდ გაფრთხილების შემთხვევაში, ან/და როცა მისი გადახდისუნარიობა აშკარაა კრედიტორს შეუძლია მოგთხოვოთ ვალდებულების დაფარვა, მსესხებლის მიმართ იძულებითი აღსრულების მცდელობის გარეშე.

მუხლი 1. დეფინიციები და ინტერპრეტაციები:

აღნიშნული ხელშეკრულების მიზნებისათვის, თუ კონტექსტი სხვაგვარად არ მოითხოვს, ტერმინებს აქვთ ის მნიშვნელობა, რომელიც მათ მნიშვნელოვანი აქვთ ამ მუხლში:

1.1. **გენერალური ხელშეკრულება [საკრედიტო პროდუქტებით მომსახურების შესახებ ხელშეკრულება]** - გენერალური ხელშეკრულება N [-] (გაფორმების თარიღი: [-], მხარეები: ერთი მხრივ - ბანკი, მეორე მხრივ - კლიენტ(ებ): [-]), რომელიც განსაზღვრავს სამომავლო საკრედიტო და მასთან დაკავშირებულ ყველა სხვა სახის სახელშეკრულებო ურთიერთობების, მათ შორის: მესამე პირებთან დადებული ხელშეკრულებების, შინაარსს და ამ ხელშეკრულებებიდან გამომდინარე, ბანკის მოთხოვნების უზრუნველყოფის ქონებრივი და პიროვნული უზრუნველყოფის საშუალებათა სახეებს;

1.2. **საკრედიტო პროდუქტები** - კრედიტების, საკრედიტო ხაზის, ოვერდრაფტების, საბანკო გარანტიების გაცემა, აკრედიტივის გახსნა და სხვა საბანკო პროდუქტით მომსახურება ბანკის მიერ, რომელთა ინდივიდუალური პირობები განისაზღვრება კონკრეტული საკრედიტო პროდუქტის ხელშეკრულებებით;

1.3. **კლიენტი/მსესხებელი** - წინამდებარე ხელშეკრულების 1.1. პუნქტში დასახელებული გენერალური და მის საფუძველზე დადებული ხელშეკრულებ(ებ)ის მხარე (გარდა ბანკისა);

1.4. **მესამე პირი** - ნებისმიერი პირი, წინამდებარე ხელშეკრულების 2.1. პუნქტში მითითებული კლიენტის გარდა, რომელიც გენერალური ხელშეკრულების ფარგლებში ბანკთან დადებული საკრედიტო პროდუქტის ხელშეკრულების საფუძველზე სარგებლობს საკრედიტო პროდუქტ(ებ)ით;

1.5. **საკრედიტო პროდუქტის ხელშეკრულება** - გენერალური ხელშეკრულების ფარგლებში, ბანკსა და კლიენტს ან/და მესამე პირ(ებ)ს შორის გაფორმებული ხელშეკრულება, რომლითაც ხდება კონკრეტული საკრედიტო პროდუქტ(ებ)ის გაცემა/საკრედიტო პროდუქტ(ებ)ით მომსახურების გაწევა;

1.6. **ძირითადი მოვალე** - კლიენტი/მსესხებელი ან/და მესამე პირი;

1.7. **თავდები** - ფიზიკური ან იურიდიული პირი, რომელიც იღებს წერილობით ვალდებულებას თავდებად დაუდგეს ბანკის წინაშე მსესხებელს ამ უკანასკნელის ვალდებულების შესასრულებლად;

1.8. **სოლიდარული ვალდებულება** - როცა რამდენიმე პირს ევალება ვალდებულების შესრულება ისე, რომ თითოეულმა უნდა მიიღოს მონაწილეობა მთლიანი ვალდებულების შესრულებაში, ხოლო კრედიტორს აქვს შესრულების მხოლოდ ერთჯერადი მოთხოვნის უფლება;

1.9. **საკომისიო** - ბანკის მიერ კრედიტით სარგებლობისათვის კლიენტისათვის დაწესებული გადასახადი, რომლის ოდენობა და გადახდის პირობები განისაზღვრება კონკრეტული საკრედიტო პროდუქტის ხელშეკრულების დებულებების შესაბამისად.

1.10. **კრედიტი** - დაბრუნებადობის, ფასიანობის, უზრუნველყოფადობისა და ვადიანობის საწყისებზე ფულადი სახსრების გაცემასთან დაკავშირებული ნებისმიერი ვალდებულება;

1.11. **კრედიტის მთლიანი თანხა** - საკრედიტო პროდუქტის ხელშეკრულებით საკრედიტო ხელშეკრულებით დადგენილი მთლიანი მისაღები თანხის მაქსიმალური შესაძლო ოდენობა;

1.12. **გადასახდელი მთლიანი ჯამური თანხა** - კრედიტის მთლიანი თანხის და ყველა ფინანსური ხარჯის ჯამი.

1.13. **საპროცენტო სარგებელი** - გენერალური ხელშეკრულებითა და მის საფუძველზე/ფარგლებში დადებული ხელშეკრულებებით განსაზღვრული ფულადი თანხით, მათ შორის, დოკუმენტალური ოპერაციებით [დოკუმენტალური აკრედიტივი, საბანკო გარანტია, დოკუმენტური ინკასო და ა.შ.], სარგებლობისათვის დაწესებული

ბანკისათვის გადასახდელი სარგებელი, რომელიც, როგორც წესი, დაიანგარიშება ათვისებული თანხის ფიქსირებული, ცვლადი ან ინდექსირებული პროცენტული მაჩვენებლით და რომლის ოდენობა და გადახდის წესი განისაზღვრება გენერალური ან მის ფარგლებში გაფორმებული ხელშეკრულებებით და საქართველოს კანონმდებლობით;

1.14. კრედიტის ეფექტური საპროცენტო განაკვეთი – კრედიტის ისეთი საპროცენტო განაკვეთი, რომლის გაანგარიშებაში გაითვალისწინება ყველა აუცილებელი ფინანსური ხარჯი, მომხმარებლის მიერ ამ ხარჯების გაწევის პერიოდის გათვალისწინებით;

1.15. საბანკო საპროცენტო განაკვეთი - კომერციული ბანკების და/ან ფინანსური ინსტიტუტების მიერ გაცემულ კრედიტებზე დასარიცხი საშუალო ან შეწონილი პროცენტის ოდენობა;

1.16. ფინანსური ხარჯი – ხარჯი, რომელიც პირდაპირ ან არაპირდაპირ მოთხოვნილია ბანკის მიერ და წარმოადგენს კლიენტის მიერ საკრედიტო პროდუქტის მიღების, შენარჩუნებისა და საკრედიტო პროდუქტით სარგებლობის დასრულებისათვის გასაწევ აუცილებელ ხარჯს;

1.17. გრაფიკი - ხელშეკრულების საფუძველზე გაცემული კრედიტის/დოკუმენტური ოპერაციების [დოკუმენტური აკრედიტივი, საბანკო გარანტია, დოკუმენტური ინკასო და ა.შ.] ძირითადი თანხის და მასზე დარიცხული საპროცენტო სარგებლის, ასევე ბანკის წინაშე გადასახდელი ნებისმიერი სხვა თანხის დაბრუნების/გადახდის გრაფიკი, რომელიც წარმოადგენს ხელშეკრულების საინფორმაციო ხასიათის მქონე დანართს. ამასთან, გრაფიკსა და ხელშეკრულების დებულებებს შორის შეუსაბამობის შემთხვევაში ხელშეკრულების დებულებებს მიენიჭება უპირატესობა;

1.18. საკრედიტო დავალიანება – კლიენტის/მსესხებლის ან/და მესამე პირის ნებისმიერი დავალიანება, რომელიც შეიძლება წარმოიშვას ძირითად მოვალესთან დადებული გენერალური და მის ფარგლებში გაფორმებული საკრედიტო პროდუქტის ხელშეკრულებების საფუძველზე;

1.19. პირგასამტეხლო – მხარეთა მიერ წერილობითი შეთანხმებით განსაზღვრული ფულადი თანხა, რომელიც გადახდილი უნდა იქნას ვალდებულების შეუსრულებლობის ან არაჯეროვნად შესრულებისათვის. მათ შორის: საურავი - სახელშეკრულებო სანქციაა, რომელიც მხარეს ეკისრება ხელშეკრულებით დადგენილ ვადაში ვალდებულების შესრულების ვადის გადაცილებისათვის; ჯარიმა - ფულადი სანქცია, რომელიც ერთჯერადად ეკისრება მხარეს სახელშეკრულებო ვალდებულების დარღვევისათვის;

1.20. ვალდებულების უზრუნველყოფა - ქონებრივი და პიროვნული უზრუნველყოფის საშუალებები [გირავნობა/იპოთეკა, პირგასამტეხლო, თავდებობა, საბანკო გარანტია, შესრულებაზე უარი, ნივთის დაკავება], რომელთა წარმოშობის საფუძველია მხარეთა შეთანხმება და კანონი;

1.21. ოვერდრაფტი – მოკლევადიანი დაკრედიტების ფორმა, რომლითაც ბანკი კლიენტს აძლევს უფლებას მის საბანკო ანგარიშზე რიცხული ნაშთების გადამეტებით განახორციელოს გადახდები, ანუ ბანკი უშვებს კლიენტის საბანკო ანგარიშზე სადებეტო (უარყოფითი) სალდოს არსებობას, ოვერდრაფტის შესახებ ბანკსა და კლიენტს შორის დადებული ხელშეკრულების პირობების (თანხობრივი მოცულობა, დაფარვის ვადა და საპროცენტო განაკვეთი) გათვალისწინებით;

1.22. საბანკო გარანტია - ბანკის გამოუთხოვადი წერილობითი ვალდებულება გადაუხადოს ბენეფიციარს საგარანტიო წერილში მითითებული თანხა მის მიერ პირველივე, დასაბუთებული წერილობითი მოთხოვნის წარმოდგენისას;

1.23. დოკუმენტური ინკასო - იურიდიულ პირებთან ურთიერთობისას უნაღდო ანგარიშსწორების ფორმა, რომელიც თავისი შინაარსით მიეკუთვნება დოკუმენტურ გადახდებს, ე.ი. ოპერაციის იმ ტიპებს რომელთა განხორციელებისას გადახდა წარმოებს სხვადასხვა დოკუმენტების საბანკო არხებით მოძრაობის გზით.

1.24. ნოტარიუსის სააღსრულებო ფურცელი - ფულადი თანხის დავალიანების გადახდევინების ვადადამდგარი მოთხოვნის იძულებითი აღსრულების მიქცევის მოთხოვნის საფუძველზე „ნოტარიუსის შესახებ“ საქართველოს კანონის მოთხოვნათა დაცვით გაცემული სააღსრულებო ფურცელი; ნოტარიუსის მიერ გაცემული სააღსრულებო ფურცლის საფუძველზე აღსრულება ხორციელდება „სააღსრულებო წარმოებათა შესახებ“ საქართველოს კანონით დადგენილი წესით. ამასთანავე, სააღსრულებო ფურცლის ან/და იმ სანოტარო დოკუმენტის გასაჩივრება, რომლის აღსასრულებლადაც გაიცა სააღსრულებო ფურცელი, არ აჩერებს აღსრულებას.

1.25. ბანკსა და საჯარო სამართლის იურიდიულ პირს „აწარმოე საქართველოში“ (შემდგომში „სააგენტო“) შორის:

1.25.1. 2020 წლის 12 ივნისს გაფორმებული ხელშეკრულებით სახელმწიფო პროგრამის „საკრედიტო საგარანტიო სქემის“ ფარგლებში კომერციული ბანკისთვის საკრედიტო გარანტიის გაცემისა და კომერციული ბანკის მიერ პროგრამის ფარგლებში გაცემული/რესტრუქტურისებული სესხების დეფოლტის საფუძველზე, წარმოქმნილი ფინანსური რისკის გადანაწილების თაობაზე ხელშეკრულება და მასში განხორციელებული ყველა ცვლილება/დამატება (შემდგომში „საკრედიტო საგარანტიო სქემის ხელშეკრულება“), ასევე საქართველოს მთავრობის 2019 წლის 29 მარტის N163 დადგენილება „საკრედიტო საგარანტიო სქემის სახელმწიფო პროგრამის დამტკიცების შესახებ“ და მასში განხორციელებული ყველა ცვლილება/დამატებით (შემდგომში „დადგენილება“) გათვალისწინებული ფინანსური რისკის გადანაწილების ინსტრუმენტი.

1.25.2. 2020 წლის 08 ოქტომბერს გაფორმებული ხელშეკრულებით **№4-10.1-20-11 სახელმწიფო პროგრამის „იპოთეკური კრედიტების მხარდაჭერის მექანიზმის“ ფარგლებში კომერციული ბანკის მიერ პროგრამის ბენეფიციარზე გაცემული იპოთეკური კრედიტის თანადაფინანსებისა და გაცემული კრედიტის დეფოლტის**

საფუძველზე, წარმოქმნილი ფინანსური რისკის გადანაწილების თაობაზე“ ხელშეკრულება და მასში განხორციელებული ყველა ცვლილება/დამატება და საქართველოს მთავრობის 2020 წლის 25 ივნისის #387 დადგენილების „იპოთეკური კრედიტების მხარდაჭერის მექანიზმის“ და მასში განხორციელებული ყველა ცვლილება/დამატებით (შემდგომში „დადგენილება“) საგარანტიო კომპონენტის ფარგლებში გაცემული სესხების დეფოლტის საფუძველზე გათვალისწინებული ფინანსური რისკის გადანაწილების ინსტრუმენტი.

მუხლი 2. თავდების პასუხისმგებლობის ფარგლები

2.1. თავდები კრედიტორის წინაშე კისრულობს ვალდებულებას, მოვალესთან ერთად, სრული მოცულობით, სოლიდარულად აგოს პასუხი ყველა იმ ვალდებულებათა შესრულებისათვის, რომელიც გამომდინარეობს კრედიტორსა და „კლიენტს“/„მსესხებელს“ შორის დადებული, ამ ხელშეკრულების 1.1. პუნქტში მითითებული გენერალური ხელშეკრულებიდან /მათ შორის, წინამდებარე ხელშეკრულების ხელმოწერის კალენდარული დღის ჩათვლით გენერალურ ხელშეკრულებაში ცვლილების/დამატების შეტანის შესახებ დადებული შეთანხმებ(ებ)იდან და შემდგომში, გენერალურ ხელშეკრულებაში ცვლილების/დამატების შეტანის შესახებ დასადები ნებისმიერი შეთანხმებ(ებ)იდან/ (შემდგომში „გენერალური ხელშეკრულება“) და მის ფარგლებში ბანკსა და კლიენტს ან/და მესამე პირ(ებ)ს შორის დადებული/დასადები ნებისმიერი ხელშეკრულებ(ებ)იდან (შემდგომში „გენერალურ ხელშეკრულებასთან“ ერთად ან/და ცალკე „საკრედიტო პროდუქტის ხელშეკრულება“);

2.2. თავდების მიერ 2.1. პუნქტით აღებული ვალდებულება გულისხმობს შემდეგს: ძირითადი მოვალის მიერ გენერალური ან/ და მის საფუძველზე/ფარგლებში დადებული საკრედიტო პროდუქტის ხელშეკრულებ(ებ)ით ნაკისრ ვალდებულებათა შეუსრულებლობის ან არასათანადოდ შესრულების შემთხვევაში, თავდები პასუხისმგებელია კრედიტორის წინაშე:

- ა) კრედიტის და სხვა საკრედიტო პროდუქტების ძირითადი თანხის/ვალის შესაბამისი თანხისათვის;
- ბ) ძირითად თანხაზე/ვალზე დარიცხული სარგებლის - პროცენტისათვის;
- გ) სახელშეკრულებო პირგასამტეხლოსა და ზიანის საერთო თანხისათვისთვის (საურავი და ჯარიმა);
- დ) სავალუტო რისკის პრემიის, საკომისიოს და სხვა გადასახდელისთვის;
- ე) ხელშეკრულების შეწყვეტისა და სასამართლო და სასამართლოსგარეშე, ასევე სანოტარო, საარბიტრაჟო, აღსრულების ხარჯებისათვის (ასეთის არსებობის შემთხვევაში);

2.3 თავდები აცხადებს წინასწარ და გამოუთხოვად თანხმობას, წინამდებარე ხელშეკრულების 2.1. პუნქტში მითითებული ხელშეკრულებ(ებ)ის პირობ(ებ)ის ცვლილებაზე (თუ ასეთს ექნება ადგილი თავდებობის მოქმედების განმავლობაში), მათ შორის ხელშეკრულების თანხის, ვადის და საპროცენტო განაკვეთის ნებისმიერი ოდენობით ცვლილებაზე, გარდა კანონმდებლობით გათვალისწინებული შემთხვევებისა. ასევე ბანკის მიერ, თავდებობის გარდა, ძირითადი ხელშეკრულების სხვა უზრუნველყოფის საგნის/პიროვნული უზრუნველყოფის გაუქმებაზე/უარის თქმაზე. წინამდებარე თავდებობა, თავდებობის ზღვრული თანხის (2.4. პუნქტი) ფარგლებში უზრუნველყოფს 2.1. პუნქტში მითითებული ხელშეკრულებ(ებ)იდან, ამ ხელშეკრულების ფარგლებში მომავალში გასაფორმებელი ხელშეკრულებ(ებ)იდან და ამ ხელშეკრულებებზე გაფორმებული/გასაფორმებელი ცვლილების ან/და დამატებითი შეთანხმებებიდან გამომდინარე ბანკის ნებისმიერ და ყველა მოთხოვნებს;

2.4 თავდებობის ზღვრული თანხა შეადგენს - [-].

მუხლი 3. მხარეთა უფლებები და მოვალეობები

3.1. კრედიტორი ვალდებულია:

3.1.1. შეატყობინოს თავდებს ძირითადი მოვალის მიერ გადახდის ვადის გადაცილების თაობაზე;

3.1.2. თავდების წერილობითი მოთხოვნის შემთხვევაში, გონივრულ ვადაში მიაწოდოს მას ცნობები ძირითადი ვალის მდგომარეობის შესახებ.

3.2. კრედიტორს უფლება აქვს:

3.2.1. წაუყენოს თავდებს მოთხოვნა საკრედიტო პროდუქტის ხელშეკრულებ(ებ)ის საფუძველზე წარმოშობილი დავალიანების დასაფარად ძირითადი მოვალის მიმართ იძულებითი აღსრულების მცდელობის გარეშე, თუ ძირითადმა მოვალემ გადააცილა საკრედიტო პროდუქტის ან მისი ნაწილის დაბრუნების ვადას და უშედეგოდ იქნა გაფრთხილებული, ან/და მისი გადახდისუნარიობა აშკარაა;

3.2.2. პრეტენზიის წარდგენის მიუხედავად ძირითად მოვალეს დაარიცხოს პროცენტები და პირგასამტეხლო მანამდე, სანამ თავდები ან ძირითადი მოვალე სრულად არ შეასრულებენ ნაკისრ ვალდებულებებს;

3.2.3. ბანკის მიერ თავდების ანგარიშ(ებ)იდან თანხის ჩამოწერა ხდება თავდების დავალებით ან დავალების გარეშე, უაქცეპტო წესით, ბანკისათვის გადასახდელი თანხების დასაფარად, ასევე დაზღვევის და ნოტარიუსის თანხების დასაფარავად, რომელსაც ბანკი გადარიცხავს შესაბამისი პირების ანგარიშებზე. თავდები აძლევს ბანკს უპირობო და გამოუთხოვად დავალებას მოახდინოს უაქცეპტო წესით თანხების ჩამოწერა ამ და სხვა ხელშეკრულებიდან გამომდინარე რომელიმე ვალდებულების შესრულების მიზნით;

3.2.4. კრედიტორის მოთხოვნათა დასაკმაყოფილებლად თავდების ანგარიშებიდან ჩამორიცხული (მათ შორის უაქცეპტო წესით ჩამოწერილი) ფულადი სახსრების არასაკმარისობის შემთხვევაში, მოითხოვოს გადახდევინება თავდების კუთვნილი სხვა ქონებიდან.

3.2.5. განახორციელოს თავდების მიმართ ვადადამდგარი მოთხოვნის (წინამდებარე ხელშეკრულების 3.2.4. პუნქტის შესაბამისად) იძულებითი აღსრულება ნოტარიუსის მიერ გაცემული სააღსრულებო ფურცლის საფუძველზე.

ამასთან:

3.2.5.1. ამ უფლების რეალიზაციის მიზნით ბანკი სააღსრულებო ფურცლის გასაცემად წერილობითი განცხადებით მიმართავს ნოტარიუსს, რომელიც სააღსრულებო ფურცელს გასცემს ვალდებულების შეუსრულებლობის დამადასტურებელი დოკუმენტების გამოთხოვის გარეშე;

3.2.5.2. ნოტარიუსის მიერ გაცემული სააღსრულებო ფურცლის საფუძველზე აღსრულება ხორციელდება „სააღსრულებო წარმოებათა შესახებ“ საქართველოს კანონით დადგენილი წესით;

3.2.5.3. სააღსრულებო ფურცლის, ნებისმიერი საკრედიტო პროდუქტის ხელშეკრულების ან/და წინამდებარე ხელშეკრულების გასაჩივრება, რომლის აღსასრულებლადაც გაიცა სააღსრულებო ფურცელი, არ აჩერებს აღსრულებას (შენიშვნა: ხელშეკრულების ნოტარიულად დამოწმების შემთხვევაში);

3.3. თავდები ვალდებულია:

3.3.1. დააკმაყოფილოს კრედიტორის მოთხოვნა, როცა გენერალური ხელშეკრულებიდან ან/და მის ფარგლებში არსებული ხელშეკრულებებიდან გამომდინარე მოთხოვნის შესრულების ვადა უკვე დადგა ან ძირითადი მოვალის მიერ ბანკის მიმართ არსებული ნებისმიერი ვალდებულების (გამომდინარე წინამდებარე ხელშეკრულებიდან ან/და 2.1. პუნქტში მითითებული ხელშეკრულებ(ებ)იდან) დარღვევის გამო კრედიტორმა ვადაზე ადრე შეწყვიტა გენერალური ან/და მის ფარგლებში არსებული ნებისმიერი ხელშეკრულება;

3.3.2. გახსნას და, მოვალის მიერ ბანკის წინაშე ნაკისრი ვალდებულებების შესრულებამდე, არ დახუროს სს „ბანკი ქართუში“ საბანკო ანგარიშ(ებ)ი;

3.3.3. სრულად შეასრულოს წინამდებარე ხელშეკრულებიდან გამომდინარე ნაკისრი ვალდებულებები.

3.3.4. იხელმძღვანელოს საბანკო პროდუქტების მომსახურების ხელშეკრულებით განსაზღვრული წესებითა და პირობებით, მათ შორის ინტერნეტ ბანკით სარგებლობის წესებით. არანაკლებ თვეში ერთხელ გაეცნოს ინტერნეტ ბანკში განთავსებულ ინფორმაციას ვებ-გვერდის www.ib.ge მეშვეობით.

3.4. თავდებს უფლება აქვს:

3.4.1. წამოაყენოს ძირითადი მოვალის კუთვნილი შესაგებლები, მაშინაც კი, თუ ეს უკანასკნელი უარს იტყვის მის კუთვნილ შესაგებლებზე; ამასთან, ძირითადი მოვალის გარდაცვალება თავდებს არ ათავისუფლებს კრედიტორის წინაშე პასუხისმგებლობისაგან;

3.4.2. ნებისმიერ დროს მოითხოვოს კრედიტორისაგან ინფორმაცია ძირითადი ვალის მდგომარეობის შესახებ;

3.4.3. ძირითადი მოვალის მიერ გადახდის ვადის გადაცილების შესახებ შეტყობინების შემდეგ, გონივრულ ვადაში დაფაროს დავალიანება.

3.5. ბანკს უფლება აქვს, მის წინაშე წარმოშობილი ნებისმიერი ვალდებულების შესრულების მიზნით, ასეთი ვალდებულების წარმოშობის შემდეგ, ნებისმიერ დროს (მათ შორის ვალდებულების შესრულების ბოლო დღეს) თავდების შემდგომი თანხმობის გარეშე უაქცეპტო წესით ჩამოწეროს თანხა თავდების ნებისმიერი ანგარიშიდან. იმ შემთხვევაში, თუ დავალიანება დაფიქსირებულია ანგარიშზე არსებული თანხის ვალუტისგან განსხვავებულ ვალუტაში, ეკვივალენტი განისაზღვრება ბანკის მიერ თანხის ჩამოწერის მომენტისათვის დადგენილი კურსით;

3.6. თავდების ანგარიშზე არსებული თანხით პირველ რიგში დაიფარება პირგასამტეხლო ვადაგადაცილებისათვის (ასეთის არსებობის შემთხვევაში), შემდეგ საკომისიოებთან დაკავშირებული დავალიანება, შემდეგ საპროცენტო სარგებელი - სავალუტო რისკის პრემიასთან ერთად (ასეთის არსებობის შემთხვევაში) და ბოლოს კრედიტის ძირითადი თანხა - სავალუტო რისკის პრემიასთან ერთად (ასეთის არსებობის შემთხვევაში). თუ თავდებს სხვა რაიმე საფუძვლით ბანკის წინაშე ეკისრება გადახდის ვალდებულება (საპროცესო ხარჯები, სხვა სახელშეკრულებო/არასახელშეკრულებო ურთიერთობიდან გამომდინარე გადასახდელი და სხვა), ასეთი ვალდებულება შესრულდება წინამდებარე პუნქტის პირველი წინადადებით განსაზღვრული ვალდებულებ(ებ)ის შესრულებამდე, პირველ რიგში. ხოლო ბანკის წინაშე შესასრულებელი ვალდებულებებისათვის თანხების ჩამოწერის შემდეგ, ბანკი უფლებამოსილია მოახდინოს დაზღვევის პრემიის თანხების, და სხვა გადასარიცხი თანხების უაქცეპტო წესით ჩამოწერა და შესაბამისი პირებისათვის მათი გადარიცხვა. თავდები ბანკს უფლებას ანიჭებს ცალმხრივად შეცვალოს ამ პუნქტში მოცემული ვალდებულების დაფარვის რიგითობის წესი;

3.7. იმ შემთხვევაში თუ, მსესხებლის ვალდებულება სსიპ „აწარმოე საქართველოს“ გარანტია, ერთად უზრუნველყოფილია თავდებობის ხელშეკრულებით, ბანკი უფლებამოსილია წინამდებარე ხელშეკრულებით გათვალისწინებული რომელიმე ვალდებულების დროულად და ჯეროვნად შეუსრულებლობის შემთხვევაში, მის წინაშე წარმოშობილი ნებისმიერი ვალდებულების შესრულების მიზნით, ასეთი ვალდებულების წარმოშობის შემდეგ, ნებისმიერ დროს (მათ შორის ვალდებულების შესრულების ბოლო დღეს), საქართველოს კანონმდებლობის შესაბამისად მიიღოს დაკმაყოფილება/გამოიყენოს ხელშეკრულებით გათვალისწინებული ნებისმიერი ღონისძიება, მიუხედავად იმისა, საკრედიტო საგარანტიო სქემის ან/და „იპოთეკური კრედიტების მხარდაჭერის მექანიზმის“ სქემის გამოყენებით გამოყენებით განხორციელდა თუ არა ვალდებულების სრულად ან ნაწილობრივ დაკმაყოფილება. ამასთანავე, მხარეები თანხმდებიან რომ, ბანკი, მისი და სააგენტოს სასარგებლოდ, კლიენტის საკრედიტო დავალიანების სრულად დაფარვის მიზნით, განხორციელებს კანონმდებლობით, ამ ხელშეკრულებით ან/და კლიენტთან გაფორმებული ნებისმიერი/რომელიმე ხელშეკრულებით გათვალისწინებულ ყველა და ნებისმიერ ღონისძიებას/ქმედებას, მათ შორის და არამხოლოდ, სასამართლოსთვის ან/და არბიტრაჟისთვის მიმართვას, სარჩელის შეტანას, გასაჩივრებას, სააღსრულებო ფურცლის გაცემის მიზნით ნოტარიუსისთვის მიმართვას, აღსრულების ორგანოსთვის ან/და კერძო აღმასრულებლისთვის მიმართვას, გადაწყვეტილების აღსასრულებლად

მიქცევას, აღსრულების შედეგად თანხის მიღებას ან/და ქონების დასაკუთრების/რეალიზაციის პროცედურის დაწყების მიზნით ან/და კანონმდებლობით გათვალისწინებული გადახდევინების მიქცევის სხვა პროცედურის დაწყების მიზნით შესაბამისი უფლებამოსილი ორგანოსთვის/პირისთვის მიმართვას და შეასრულოს სხვა ნებისმიერი ან/და მსგავსი მოქმედება.

მუხლი 4. თავდების განცხადებები და გარანტიები

4.1. თავდები აცხადებს და ადასტურებს რომ:

4.1.1. ამ ხელშეკრულების დადებისას, იგი არ იმყოფება შეცდომის, მოტყუების, მის წინააღმდეგ გამოყენებული ძალადობის ან მუქარის გავლენის ქვეშ;

4.1.2. არ მონაწილეობს არც ერთ სასამართლო პროცესში (მოსარჩელის, მოპასუხის ან მესამე პირის სახით), რითაც საფრთხე შეიძლება შეექმნას მის მიერ ამ ხელშეკრულებით ნაკისრი ვალდებულებების შესრულებას;

4.1.3. მის მიერ ამ ხელშეკრულების ხელმოწერის მომენტში კრედიტორისთვის მიწოდებული ინფორმაცია არის უტყუარი, ზუსტი, სრული და ამომწურავი;

4.1.4. სრულად არის გაცნობილი გენერალური ხელშეკრულების და მასში შეტანილი ცვლილებების/დამატებების (ასეთის არსებობის შემთხვევაში) ტექსტს და მის პირობებს, თანახმაა ბანკმა მსესხებელთან, მათ შორის მესამე პირებთან, გააფორმოს გენერალური ხელშეკრულების შემადგენელი საკრედიტო პროდუქტის ხელშეკრულება/ხელშეკრულებები, ამ ხელშეკრულების ფარგლებში თავისუფლად განსაზღვროს მათი შინაარსი, გამოიტანოს საბანკო კრედიტის თანხა საკუთარი შეხედულებისამებრ. თავდებისთვის ასევე ცნობილია, თუ რა სამართლებრივი შედეგი მოჰყვება გენერალური ხელშეკრულების და მის საფუძველზე გაფორმებული ნებისმიერი საკრედიტო პროდუქტის ხელშეკრულებ(ებ)ის შეუსრულებლობას ან არაჯეროვნად შესრულებას. ამასთან, თავდები უფლებამოსილია, ინტერნეტ ბანკის მეშვეობით გაეცნოს გენერალური ხელშეკრულების ფარგლებში მსესხებელთან, მათ შორის მესამე პირებთან, გაფორმებული ხელშეკრულებ(ებ)ის ძირითად პირობებს და სურვილის შემთხვევაში მოითხოვს აღნიშნული ხელშეკრულების ასლები.

4.1.5. მისთვის ცნობილია, რომ კრედიტორისთვის ყალბი ცნობების ან/და დოკუმენტების მიწოდება წარმოადგენს სისხლის სამართლის წესით დასჯად ქმედებას.

4.1.6. მისთვის ასევე, ცნობილია ნოტარიუსის მიერ სააღსრულებო ფურცლის გაცემის ის სამართლებრივი შედეგები, რაც გათვალისწინებულია ამ ხელშეკრულების 3.2.5. პუნქტით და „ნოტარიატის შესახებ“ საქართველოს კანონით (შენიშვნა: ხელშეკრულების ნოტარიულად დამოწმების შემთხვევაში);

4.1.7. თავდები გამოხატავს თანხმობას და უფლებას აძლევს სს „ბანკი ქართუს“, საქართველოს კანონმდებლობით დადგენილი წესით და პირობებით, დაამუშაოს წინამდებარე დოკუმენტში და ბანკში დაცული თავდების ინფორმაცია, ასევე, თავდების შესახებ ბიუროში დაცული ინფორმაცია გადახდისუნარიანობის ანალიზის მიზნისათვის. თავდები აცნობიერებს საქართველოს კანონმდებლობით გათვალისწინებულ უფლებებს, რომ თავდების მოთხოვნის შემთხვევაში, მონაცემთა დამამუშავებელი ვალდებულია გაასწოროს, განაახლოს, დაამატოს, დაბლოკოს, წაშალოს ან გაანადგუროს მონაცემები, თუ ისინი არასრულია, არაზუსტია, არ არის განახლებული, ან თუ მათი შეგროვება და დამუშავება განხორციელდა კანონის საწინააღმდეგოდ.

4.1.8. თავდები ადასტურებს, რომ ბანკი შეაგროვებს/დაამუშავებს თავდების შესახებ ყველა იმ საკრედიტო/არასაკრედიტო და სხვა რელევანტურ ინფორმაციას, რომელიც დაკავშირებულია ბიუროსათვის ინფორმაციის მიწოდებასთან და ინფორმაციის მიღებასთან საქართველოს კანონმდებლობით გათვალისწინებული წესითა და პირობებით. წინამდებარე პუნქტით განსაზღვრული ინფორმაცია მუშავდება თავდების გადახდისუნარიანობის ანალიზის მიზნისათვის და ხელმისაწვდომი იქნება ბიუროში ჩართული სესხის გამცემი ორგანიზაცი(ებ)ისთვის და ინფორმაციის მიმღები/მიმწოდებელი პირ(ებ)ისთვის კანონმდებლობით დადგენილი წესით.

4.2. თავდები ბანკს ანიჭებს უპირობო უფლებას შეაგროვოს/დაამუშაოს ინფორმაცია თავდების შესახებ საკრედიტო საინფორმაციო ბიურო(ებ)ში, მათ შორის სს „კრედიტინფო საქართველოს“ (შემდგომში „ბიურო“) საკრედიტო ინფორმაციის მონაცემთა ბაზაში და ასევე თავდებთან დამატებითი შეთანხმების გარეშე თავდების ვალდებულებების შესახებ ინფორმაცია გადასცეს ბიუროს რაც იწვევს თავდების აღრიცხვას ბიუროს საკრედიტო ინფორმაციის მონაცემთა ბაზაში, რომლის მიზანია ფიზიკურ და იურიდიულ პირებზე მონაცემთა შეგროვება, გადაამუშავება და გავრცელება, რომელიც დაკავშირებულია გადასახდელი/გადახდილი და გადაუხდელი სესხებისა და სხვა მიმდინარე, შესრულებული და შეუსრულებელი/ვადაგადაცილებული ფულადი ვალდებულებების სტატუსთან, ასევე ბაზაში არსებული ინფორმაციის ანალიტიკური გადაამუშავება გადახდისუნარიანობის ანალიზის მიზნებისთვის. ბიუროს უფლება აქვს მიღებული ინფორმაცია დაამუშავოს/გადაამუშაოს და გადასცეს მესამე პირებს, რომელთაც კანონმდებლობის შესაბამისად აქვთ უფლება მიიღონ ბიუროს მონაცემთა ბაზაში არსებული მონაცემები, მონაცემთა სუბიექტის კრედიტუნარიანობის/გადახდისუნარიანობის შეფასებისა და შემოწმების მიზნით. ბანკს უფლება აქვს თავდების გადახდისუნარიანობის შემოწმების, მისთვის მომსახურების გაწევის, შეთავაზებისა და სხვა კანონიერი მიზნით, ძიებების რაოდენობის შეუზღუდავად მოიძიოს თავდების შესახებ ინფორმაცია საკრედიტო ისტორიის მონაცემთა ბაზაში და ასევე, გადასცეს მასთან არსებული ინფორმაცია კრედიტინფო საქართველოს, თავდების საკრედიტო ისტორიაში ნებისმიერი ცვლილების/დამატების შესახებ. გადასაცემი ინფორმაცია, ყოველგვარი შეზღუდვის გარეშე, მოიცავს: თავდების საიდენტიფიკაციო მონაცემებს, მიმდინარე სესხის/ვალდებულების მოცულობას, მიზნობრიობას, დარიცხულ პროცენტს, მოქმედების ვადას, სესხთან/ფინანსურ

ვალდებულებასთან დაკავშირებული გადახდების დროულობას, დავალიანების ნაშთს, უზრუნველყოფის ოდენობასა და უზრუნველყოფის საგნის საიდენტიფიკაციო მონაცემებს, ინფორმაცია მონაცემთა სუბიექტის მიერ გაცემული თავდებობ(ებ)ის შესახებ, ასევე მონაცემთა სუბიექტის ვალდებულებებზე მიღებული თავდებობ(ებ)ის შესახებ, ხოლო სასამართლო დავის არსებობის შემთხვევაში - სასამართლო სამართალწარმოებისა და სააღსრულებო წარმოების შედეგს, აგრეთვე თავდების აქციონერებისა და წარმომადგენლობაზე უფლებამოსილი პირების სახელებსა და საიდენტიფიკაციო მონაცემებს და მონაცემთა ბაზისთვის საჭირო სხვა მონაცემებს, ასევე კანონდებლობით გათვალისწინებულ სხვა მონაცემებს.

4.3. თავდები ბანკს ანიჭებს უპირობო უფლებას, ამ ხელშეკრულების მოქმედების პერიოდში, ნებისმიერ დროს, თავდების დამატებითი თანხმობის გარეშე, შეუზღუდავად (ნებისმიერი მოცულობითა და რაოდენობით):

4.3.1. მოითხოვოს და მიიღოს თავდების შესახებ ნებისმიერ პირთან თუ ადმინისტრაციულ ორგანოში არსებული ნებისმიერი სახის პერსონალური ინფორმაცია (მონაცემები, ჩანაწერები ან/და საბუთები). ამასთან, წინამდებარე ხელშეკრულებაზე ხელმოწერი პირები აცხადებენ თანხმობას, რომ ბანკმა კანონდებლობით დადგენილი წესით, თავდებისთვის საბანკო მომსახურების ეფექტური და შეუფერხებელი გაწევის მიზნით და ამ მიზნის განსახორციელებლად, მათ შორის, მოქმედი კანონდებლობის მოთხოვნების სრულად და ჯეროვნად შესასრულებლად) და ამ მიზნის განსახორციელებლად საჭირო მოცულობით, სსიპ - სახელმწიფო სერვისების განვითარების სააგენტოს მონაცემთა ელექტრონული ბაზიდან მიიღოს, ბანკისთვის აუცილებელი, თავდების პერსონალური მონაცემები;

4.3.2. სასამართლოს, არბიტრაჟს ან/და მესამე პირს (კანონდებლობით გათვალისწინებულ შემთხვევებში) გადასცეს თავდების შესახებ ნებისმიერი ინფორმაცია (მათ შორის თავდების საბანკო ანგარიშების, შესრულებული ოპერაციების, ანგარიშებზე არსებული ნაშთების, თავდების ვალდებულებების შესახებ მონაცემები) და თავდების გაფორმებული ნებისმიერი ხელშეკრულება.

4.3.3. მიმდინარე ვალდებულებების მოქმედების პერიოდში განახორციელოს თავდების საკრედიტო, არასაკრედიტო და სხვა რელევანტური ინფორმაციის გადამოწმება ბიუროში თავდების დამატებითი თანხმობის გარეშე მისი გადახდისუნარიანობის შეფასების მიზნებისათვის.

4.4 ბანკი უფლებამოსილია საბანკო მომსახურების უსაფრთხოების ხელშეწყობის მიზნით, საკუთარი ინიციატივით გაუაქტიუროს კლიენტს SMS ბანკი - უფასოდ მომსახურების პირობით. ამავდროულად, ბანკს უფლება აქვს, კლიენტის მიერ ვალდებულებების სრულად დაფარვის შემდგომ, ნებისმიერ დროს გაუთიშოს კლიენტს საკუთარი ინიციატივით გააქტიურებული SMS ბანკი.

4.5 თავდები აცხადებს თანხმობას მის შესახებ ბანკში არსებული კონფიდენციალური ინფორმაცია, მათ შორის პერსონალური მონაცემები, ამონაწერი საბანკო ანგარიშიდან და სასესხო ანგარიშთან/განხორციელებულ (განსახორციელებელ) ოპერაციებთან დაკავშირებული ნებისმიერი ინფორმაცია ბანკმა გადასცეს სხვა კომერციულ ბანკს, ასევე ბანკის მიერ შერჩეულ მხოლოდ იმ მესამე პირს, რომელთანაც ბანკს გაფორმებული ექნება ხელშეკრულება კონფიდენციალობის დაცვის შესახებ და, თუ აღნიშნული მესამე პირი უზრუნველყოფს თავდების პერსონალური მონაცემების სათანადო დაცვას, ასევე კანონდებლობით გათვალისწინებულ შემთხვევაში შესაბამის უფლებამოსილ პირს, მათ შორის ბანკის ფინანსური მდგომარეობის შემოწმების მიზნებისთვის აუდიტორს, საგადასახადო კონსულტანტს, მრჩეველს, შემფასებელს და მათ დამხმარე პირებს, ბანკსა და თავდებს შორის სასამართლო დავის (სამოქალაქო ან ადმინისტრაციული), სისხლის სამართლის საქმის წარმოებისას, ადმინისტრაციული სამართალწარმოების, საარბიტრაჟო წარმოების ან მედიაციის არსებობის შემთხვევაში - სასამართლოს, შესაბამის ადმინისტრაციულ ორგანოს, არბიტრაჟს, მედიატორებს, შეუზღუდავად, მიუხედავად იმისა დახურულია თუ არა სხდომა/წარმოება (ხოლო თუ სამართლებრივი დავის მხარე არ არის თავდები, თუ სხდომა/წარმოება დახურულია ან სასამართლოს/სხვა ორგანოს/პირის კანონიერი დავალებით, ასევე იმ შემთხვევაში, თუ ბანკმა მოითხოვა სხდომის/წარმოების დახურვა/გასაიდუმლოება, მაგრამ უარი ეთქვა), ადვოკატ(ებ)ს, კონსულტანტ(ებ)ს და მათ დამხმარე პირებს, ასევე ბანკის მიერ თავდების მიმართ თავისი უფლება-მოვალეობების მესამე პირებისთვის კანონისმიერი ან სახელშეკრულებო წესით დათმობის/გადაცემის მომზადების/დადების/შესრულების მიზნით.

მუხლი 5. პასუხისმგებლობის გამომრიცხავი გარემოებები [ფორს-მაჟორი]

5.1. მხარეები თავისუფლდებიან პასუხისმგებლობისგან ვალდებულებების სრული და ნაწილობრივი შეუსრულებლობისათვის დაუძლეველი ძალის [ფორს-მაჟორი] მოქმედების პერიოდში, თუ მისი მიზეზით შეუძლებელია წინამდებარე ხელშეკრულებით გათვალისწინებული ვალდებულებების შესრულება/ ან ჯეროვანი შესრულება;

5.2. „დაუძლეველი ძალის“ ქვეშ იგულისხმება გარემოებები, რომლებიც არ არსებობდნენ წინამდებარე ხელშეკრულების გაფორმების დროს და რომელთა დადგომა და ზემოქმედება მხარეებს არ შეეძლოთ თავიდან აეცილებინათ და გადაელახათ; კერძოდ: სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათი

მხრიდან შეუძლებელია;

5.3. თუ ნებისმიერმა ზემოთნახსენებმა გარემოებებმა უშუალოდ იმოქმედეს ხელშეკრულებით ნაკისრი ვალდებულებების შესრულების ვადებზე, მაშინ ეს ვადები ამ გარემოებების მოქმედების დროს თანაბარზომიერად გაიზრდება.

5.4. მხარემ, რომლისთვისაც ფორს-მაჟორული გარემოებების დადგომის გამო შეუძლებელი შეიქმნა ვალდებულებების შესრულება, ვალდებულია დაუყოვნებლივ, მაგრამ ნებისმიერ შემთხვევაში არაუგვიანეს ხუთი დღისა ამ გარემოებების დადგომიდან და/ან დასრულებიდან, წერილობით აცნობოს მეორე მხარეს;

5.5. შეუტყობინებლობის და/ან დაგვიანებული შეტყობინების შემთხვევაში იგი კარგავს უფლებას, დაეყრდნოს ფორს-მაჟორული გარემოებების არსებობას, როგორც პასუხისმგებლობისგან გათავისუფლების საფუძველს;

5.6. შეტყობინებაში მითითებული ფაქტები დადასტურებულ უნდა იქნეს კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები საყოველთაოდაა ცნობილი;

5.7. თუ დაუძლეველი ძალის მოქმედება გაგრძელდება ერთ თვეზე მეტხანს, მხარეები უფლებამოსილნი არიან შეცვალონ ხელშეკრულება. შეთანხმების მიუღწევლობის შემთხვევაში, დავას წყვეტს საერთო სასამართლო საქართველოს მოქმედი კანონმდებლობის შესაბამისად.

მუხლი 6. დასკვნითი დებულებანი

6.1. წინამდებარე ხელშეკრულება მოქმედებას იწყებს მხარეების მიერ მისი ხელმოწერის მომენტიდან და წყდება თავდების მიერ ნაკისრი ვალდებულებების სრულად და ჯეროვნად შესრულების ან ამ ხელშეკრულებით გათვალისწინებული მოვლენების დადგომის შემთხვევებში;

6.2. ნებისმიერი დავა, რომელიც შეიძლება წარმოიშვას წინამდებარე ხელშეკრულებიდან გამომდინარე, ამ ხელშეკრულების არსებობის, ნამდვილობის და შეწყვეტის შესახებ დავის ჩათვლით, და რომელთაც მხარეები ვერ მოაგვარებენ მოლაპარაკების გზით, უნდა გადაეცეს საბოლოო გადაწყვეტილების მისაღებად საქართველოს საერთო სასამართლოს;

6.3. ბანკი უფლებამოსილია ამ ხელშეკრულებიდან ან/და მის საფუძველზე გაფორმებული ნებისმიერი სხვა სახის შეთანხმებიდან გამომდინარე დავებთან დაკავშირებით, პირველი ინსტანციის სასამართლოს მიერ მიღებული გადაწყვეტილება მიაქციოს დაუყოვნებლივ აღსასრულებლად საქართველოს სამოქალაქო საპროცესო კანონმდებლობით დადგენილი წესის შესაბამისად;

6.4. მხარეთა შორის ნებისმიერი ოფიციალური ურთიერთობა უნდა ატარებდეს წერილობით ფორმას. წერილობით ფორმას უთანაბრდება ბანკის მიერ შეტყობინების გაგზავნა ინტერნეტ ბანკის მეშვეობით, რა დროსაც ინტერნეტ ბანკით განხორციელებულ ხელმოწერას აქვს მატერიალური დოკუმენტისა და პირადი ხელმოწერის თანაბარი იურიდიული ძალა. ოპერატიულობის მიზნით, დასაშვებია მეორე მხარისათვის შეტყობინების მიწოდება დეკემბით, ტელექსის, ფაქსის, ელექტრონული ფოსტის, მოკლე ტექსტური შეტყობინების, ან ბანკის მიერ დადგენილი ნებისმიერი სხვა ოპერატიული საშუალებით გზავნილის გზით, იმ პირობით რომ, მეორე მხარის მოთხოვნის შემთხვევაში, ამგვარი მოთხოვნიდან გონივრულ ვადაში მას წარედგინება შეტყობინების წერილობითი ფორმა;

6.5. წინამდებარე ხელშეკრულებით შეტყობინება ჩაბარებულად ითვლება:

6.5.1. ადრესატის მიერ მისი მიღების დღეს, თუ შეტყობინების მიღება დადასტურებულია ადრესატის მიერ (მათ შორის ელექტრონული დოკუმენტით, ქვითრით, შეტყობინების შესაბამისი სხვა საშუალებით და ა.შ.);

6.5.2. თუ შეტყობინების მიღება არ არის დადასტურებული ადრესატის მიერ, ნებისმიერი ასეთი შეტყობინება სათანადო წესით გაგზავნილად და ადრესატის მიერ მიღებულად ჩაითვლება:

- კურიერის ან საფოსტო გზავნილის მეშვეობით წერილობითი შეტყობინების ან დეკემბის გაგზავნის შემთხვევაში - (ა) თუ შეტყობინება გაგზავნილია ბანკის მიერ, გაგზავნიდან 3 (სამი) კალენდარულ დღეში, ან ჩაბარების დადასტურების თარიღის დღეს (რომელსაც უფრო ადრე ექნება ადგილი); (ბ) თუ შეტყობინება გაგზავნილია თავდების მიერ, ბანკის კანცელარიაში შეტყობინების დარეგისტრირების მომდევნო სამუშაო დღეს;

- ინტერნეტ ბანკის მეშვეობით, ბანკის მიერ შეტყობინების გაგზავნის შემთხვევაში, შეტყობინება ჩაბარებულად ითვლება გაგზავნის თარიღიდან 3 (სამი) დღის ვადაში, მიუხედავად შეტყობინების ფაქტობრივად გაცნობის თარიღისა. თავდები ვალდებულია რეგულარულად, თვეში ერთხელ მაინც, გაეცნოს ინტერნეტ ბანკის მეშვეობით მიღებულ შეტყობინებებს;

- ფაქსის, ტელექსის, ელექტრონული ფოსტის, მოკლე ტექსტური შეტყობინების ან/და სხვა ელექტრონული საშუალებით გაგზავნის შემთხვევაში - (ა) თუ შეტყობინება გაგზავნილია ბანკის მიერ, გაგზავნის თარიღიდან მე-2 (მეორე) სამუშაო დღეს; (ბ) თუ შეტყობინება გაგზავნილია თავდების მიერ ბანკის მიერ შესაბამისი შეტყობინების მიღების დადასტურების თარიღიდან;

6.6. თუ შეტყობინება გაგზავნილია ბანკის მიერ, იგი მიღებულად ითვლება იმ შემთხვევაშიც, თუ შეტყობინების გამგზავნ მხარეს შეტყობინება დაუბრუნდება გაგზავნილ მისამართზე/საკონტაქტო მონაცემებზე შეტყობინების ადრესატის ადგილსამყოფელის არარსებობის გამო, ადრესატი უარს განაცხადებს შეტყობინების მიღებაზე, ან თავს აარიდებს მის მიღებას;

6.7. მხარეები ურთიერთობას განახორციელებენ ხელშეკრულებით ან/და მასთან დაკავშირებული ხელშეკრულებ(ებ)ით განსაზღვრულ მისამართზე/ საკონტაქტო მონაცემებზე ან სხვა ნებისმიერ მისამართზე, საკონტაქტო მონაცემებზე, რომელთაც ერთი მხარე აცნობებს მეორეს წერილობით, აგრეთვე ბანკისთვის ცნობილ თავდების სხვა მისამართ(ებ)ზე. თითოეული მხარე ვალდებულია აღნიშნული მისამართ(ებ)ის ან მათი რომელიმე

მონაცემის ცვლილების შემთხვევაში დროულად აცნობოს მეორე მხარეს, წინააღმდეგ შემთხვევაში, მხარის მიერ აღნიშნულ მისამართზე განხორციელებული ურთიერთობა (შეტყობინების გაგზავნა და სხვა) ჩაითვლება ჯეროვნად შესრულებულად;

6.8. მხარეთა შეთანხმებით, ბანკის მიერ კლიენტისთვის ხელშეკრულებიდან გამომდინარე ინფორმაციის/შეტყობინების მისაწოდებლად ბანკის მიერ გამოყენებულ იქნება მოკლე ტექსტური შეტყობინება ან/და სატელეფონო ზარი, ბანკში ან წინამდებარე ხელშეკრულებაში დაფიქსირებულ კლიენტის საკონტაქტო ნომერზე (გარდა იმ შემთხვევისა, როდესაც კონკრეტული პუნქტი ითვალისწინებს შეტყობინების ალტერნატიულ ფორმას ან ბანკი აირჩევს შეტყობინების/ინფორმაციის მიწოდების ფორმად 6.4 პუნქტით გათვალისწინებულ რომელიმე სხვა ფორმას). თუ მოკლე ტექსტური შეტყობინებიდან/სატელეფონო ზარიდან ირკვევა, რომ კლიენტის მხრიდან უნდა შესრულდეს გარკვეული მოქმედებები შეტყობინების სრული ტექსტის და შეტყობინების/ინფორმაციის პირობების სრულად სანახავად, მაშინ კლიენტი ვალდებულია შეასრულოს შესაბამისი მოქმედებები, მათ შორის ნახოს შეტყობინება ინტერნეტ ბანკში, ბანკის ვებ გვერდზე, ან/და გამოცხადდეს ბანკის ოფისში, წინააღმდეგ შემთხვევაში, ბანკი არ აგებს პასუხს კლიენტის არასაკმარის ინფორმირებულობაზე ან/და შეტყობინების სისრულესთან დაკავშირებულ პრეტენზიებზე. კლიენტი ვალდებულია იქონიოს მობილური ტელეფონი გამართულ/ჩართულ მდგომარეობაში, მათ შორის იგულისხმება ქართული და ლათინური შრიფტის/ფონტის წამკითხველი პროგრამული უზრუნველყოფის არსებობა, წინააღმდეგ შემთხვევაში ბანკი არ აგებს პასუხს ამით გამოწვეულ შედეგებზე/ზიანზე; ამასთან, ბანკი არ აგებს პასუხს წინამდებარე პუნქტით გათვალისწინებული მოთხოვნის შეუსრულებლობისთვის, თუ მსესხებელთან, უზრუნველყოფის საგნის მესაკუთრესთან, თავდებთან/სოლიდარულ თავდებთან დაკავშირება/მისთვის ინფორმაციის მიწოდება ვერ ხერხდება ადრესატის მიერ საკონტაქტო ინფორმაციის ცვლილების გამო და/ან შეიცვალა უზრუნველყოფის საგნის მესაკუთრე და აღნიშნულის შესახებ მსესხებელს და/ან ადრესატს არ უცნობებია ბანკისთვის. წინამდებარე პუნქტით განსაზღვრული დათქმა ინფორმაციის მოკლე ტექსტური შეტყობინებით/სატელეფონო ზარით მიწოდების შესახებ, არ გამოიცხადებს ინფორმაციის მიწოდებას როგორც წერილობითი, ასევე სხვა ტექნიკური საშუალებით (ინტერნეტ ბანკით, ელ. ფოსტით შეტყობინება და ა.შ.).

6.9. იმ საკითხების მოწესრიგებისას, რომლებიც ამ ხელშეკრულებით არ არის გათვალისწინებული, მხარეები ხელმძღვანელობენ საქართველოს მოქმედი კანონმდებლობით;

6.10. წინამდებარე ხელშეკრულების სათაურებისა და ფრაზების ნუმერაციას აქვს მხოლოდ პირობითი ხასიათი. ნუმერაციის მიზანია დოკუმენტის სისტემურად გამართვა და ადვილად წაკითხვადობა, და აღნიშნული ვერ მოახდენს გავლენას წინამდებარე ხელშეკრულების პირობების ან/და მთლიანი ხელშეკრულების ინტერპრეტაციაზე;

6.11. წინამდებარე ხელშეკრულების ნებისმიერი ცვლილება ან დამატება შესაძლებელია მხარეთა მიერ, ორმხრივი წერილობითი შეთანხმებით;

6.12. თუ ხელშეკრულების რომელიმე პუნქტი მიჩნეულ იქნება ბათილად, ეს გავლენას ვერ მოახდენს ხელშეკრულების დანარჩენი პუნქტების ნადვილობაზე. ბათილი დებულების ნაცვლად გამოიყენება ის დებულება, რომლითაც უფრო ადვილად მიიღწევა ამ ხელშეკრულებით გათვალისწინებული მიზანი;

6.13. წინამდებარე ხელშეკრულების შინაარსი მთლიანად შეესატყვისება მხარეთა ნების ნამდვილობას;

6.14. წინამდებარე ხელშეკრულების დანართები წარმოადგენს მის განუყოფელ ნაწილს;

6.15. ხელშეკრულება შედგენილია ქართულ ენაზე [] თანაბარი იურიდიული ძალის მქონე ეგზემპლარად, რომელთაგან ერთი რჩება ბანკს, ხოლო ერთი/თითო გადაეცემა თავდებს.

6.16. თავდებს არ აქვს ამ ხელშეკრულებით გათვალისწინებული ნებისმიერი უფლების ან/და ვალდებულების მესამე პირისთვის გადაცემის უფლება ბანკის წინასწარი წერილობითი თანხმობის ან/და ბანკთან დადებული ხელშეკრულების გარეშე. ბანკი, როგორც ამ ხელშეკრულების კრედიტორი, უფლებამოსილია, ნებისმიერ დროს, მესაკუთრის/კლიენტის თანხმობის გარეშე, გადასცეს ფინანსურ ორგანიზაციას წინამდებარე ხელშეკრულებიდან გამომდინარე უფლება-მოვალეობები (მთლიანად ან ნაწილობრივ). ამასთანავე, თავდები/კლიენტი თანახმაა, ბანკმა წინამდებარე ხელშეკრულებიდან გამომდინარე უფლება-მოვალეობები გადასცეს სხვა მესამე პირ(ებ)საც, რომლებიც არ წარმოადგენენ ფინანსურ ორგანიზაციას. (შენიშვნა: კლიენტი იურიდიული პირის შემთხვევაში)

ინფორმაცია მხარეთა შესახებ

ბანკი

[]

საიდენტიფიკაციო ნომერი: 204891652

მისამართი: []

ელ.ფოსტა: Info@cartubank.ge

ტელეფონის ნომერი:

თავდები

[]

საიდენტიფიკაციო ნომერი: []

მისამართი: []

ელ. ფოსტა: []

ტელეფონის ნომერი: